



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

1. Varia Lunæ seu Djana symbola. Somnolentia.

---

[urn:nbn:de:hbz:466:1-68709](#)

imperium in uxores impetrabant; qui verò Lunam feminam adorassent, uxoribus se obnoxios esse profitebantur. Lunam laudans Siracides. c. 23. vocat eam *vas castrorum in excelsis, in firmamento cœli resplendens gloriōse.* Sicut enim stellæ vocantur *castra & militia cœli*, divinis in litteris; sic Luna incedit inter eas, quasi regina, luminis & pulchritudinis admirandâ gloriâ. Secundus philosophus interrogatus ab Hadriano Imp. Quid est luna? respondit: Cœli purpura, solis æmula, noctis oculus, maleficiorum inimica, solamen iter agentium, præsigium tempestatum.

### Ethica.

I. (a) De Luna fabellam narrat Cleobulus Philosophus in convívio Sapientum. Petuit à matre Luna, ut sibi tuniculam congruentem texeret; mater verò respondit: Qui possum verò, ô filia? cùm te jam plenam, mox in cornua attenuatam, rursum dimidio orbe, videam? Quò significatur, Lunam esse symbolum inconstantiæ. Homo námque fatuus & vitiosus, levibus momentis in varios affectus impellitur: modò iratus est, modò lenis, modò tristis, modò hilaris, prout diversæ rerum imagines animum perculerunt. *Stultus sicut luna mutatur.* Ecclesiastici c. 27. 2. Luna semper aversis à Sole cornibus, si crescat, ortum spectat: si minuatur, occasum. Fons lucis Deus est: vis, ut consilia & cœpta tua felicem habeant progressum, ortum specta, actionum initia à religione auspicare: quòd si humanis tantum rationibus molitiones tuas metiāre; tendes in occasum, & evanescas in cogitationibus tuis. 3. Luna cùm nobis lucet, superioribus cœli partibus haud fulget; quia de loco superiore lumen non recipit, sed inferiore.

Nimirū graviter laborat cerebro, qui apud homines splendere cupit, & apud Deum obscurus later. 4. Luna tunc maximè splendet, cùm maximè distat à sole; obscuratur, cùm sit propinquior. Nempe, quò quisque ad divinam lucem magis accesserit, magis ipse sibi vilescit; quò longius ab illa recedit, hòc magis inanem & evanidum fulgorem spargit apud homines. 5. Luna splendens de nocte, significat, virtutem maximè in adversis elucescere. 6. (b) Phœbe in *novilunio* allatratur à canibus, ejus lucem non ferentibus, sed illæsa. Virtus quò illustrior, hòc plurium appetitur calumniis; nihilominus intaminata fulget. 7. Veterum Romanorum nobilissimi, Lunæ imaginem in calceis gestabant: nam ex-

L111

trema

(a) *Varia Luna Symbola.* (b) *Plenilunio.*

extrema pars calcei lunulam referebat; ut illo symbolo nobilitatis & excellentiae, memores redderentur inconstitiae rerum humanarum, ait Plutarchus quæst. Rom. 76. 8. Proverbio fertur: *Lunam de cœlo detrahere.* Quod sibi singunt, qui non intelligunt, quid sit lumen Lunæ obstatculo terræ obtenebrari. Convenit in eos, qui ubi Deus aliquem rebus adversis exercet, & quasi obscurari & deficere permittit, continuo sibi persuadent, Lunam esse de cœlo detraictam, actum esse de felicitate & salute hominis, sed splendidè falluntur; ut falsi sunt amici Jobi, eternas viri patientissimi iram divinam interpretantes. Nam, ut ipse met de se testatur cap. 11. *Cum te consumptum putaveris, orieris mane ut lucifer.* 9. (c) Endymionem, puerum pastoritum Luna adamabat; eique à Jove impetravit, ut quidquid is optässet, obtineret. Optavit Endymion, ut perpetuum dormiret somnum, sub Cariæ montis specu abditus. Inde adagium: *Endymionis somnum dormis.* In eos quadrat, quorum tota vita & voluptas est otium & somnus. Cicero lib. 5. de fin. differens, id maximè, ait, nobis insitum esse à natura, ut agamus aliquid: itaque ne si jucundissimis quidem nos insomniis usuros puteamus, Endymionis somnum nobis nolimus dari, idque si accidat, mortis instar putemus. Simile huic adagium est: *Vltra Epymenidem dormis.* Fuit is poëta Epicus, patria Cretensis, qui puer à patre in agrum ad pecus custodiendum missus, in quodam antro obdormivit septem & quinquaginta annis. Plin. lib. 7. c. 52. Applicatur hoc Sophistis & vanis Dialecticis, qui tantam inanum somniorum, distinctionum, divisionum, præcisionum, captionum copiam invexerunt in orbem, ut longissimo sit opus, & plurimorum annorum somno ad eas species agitandas. Chilias. 10. Luna cum suo fusione matrem refert, nimis molliter filio indulgentem, cui pœnam pro munere poscit à diis, cùm sanum magis & adipatum somno corpus, quam sanam petit mentem. Peccavit etiam Epimenidis pater, *Agiasarchus* nomine, quod filium ad custodiā pecoris missum, negligenter conquerierit, & à somno non excitārit. Plurimorum hæc culpa parentum est; qui parūm habent sibi curæ, quid sex, septem, & amplius annis filius in scholis proficiat, quomodo rerum suarum satagat, an plus temporis somno & desidia, quam studiis & labori impertiat; modò niteat pueri cuticula, & pinguescat Epicuri de grege porcellus.

II. (d) Hæc de Diana, quatenus appellationem & officium Lunæ habet. Nunc consideremus eam, ut reginam apud inferos agentem, noménque *Proserpina* & *Hecates* obtinentem. De Proserpina egimus.

fymb.

(c) *Somnolentia.* (d) *Diana inferæ seu Proserpina, aut Hecates, cultrices sagæ & frigoris.*